

湖南府縣志輯

中國地方志集成

光緒湘陰縣志

K296.4
10
6

中國地方志集成

湖南府縣志輯 ⑩

光緒湘陰縣圖志

江蘇古籍出版社●上海書店●巴蜀書社

湘陰縣圖志敘

同治戊辰以後湖南軍事初定大府撰修通志而府縣官其事自古鄉國之書率尙簡雅如韓志朝邑康志武功及國朝靈壽秀水諸書辭潔意醇而攷證非所尙焉今年夏湘陰郭筠仙先生以所撰縣志授余讀體例與近人大殊分鄉志地分條志山分源流曲折志水以表紀人物以志紀事稽證審詳辨論宏微每事溯源三代以迄於今而言仍不離其縣殆合遷書班志之長而卽一縣以推見天下古今之得失也先生以經濟文學受顯皇帝特達之知官江蘇糧道釐定漕章改官兩淮鹽運司剔芟鹽敵巡撫廣東期年而教化大孚訟衰盜逸殊方海國惴不敢驕卒以木強爲健者所擠不得盡行其志退而修業窮竟由世之否臧發章道心之幽渺著書數十萬言將以藏之名山傳之來哲而湘陰縣圖志卷首 敘

此志特其一端焉今學者併日著書或終老不明藝而先生肆其餘力猶足涵負一時蓋其學皆自得於心而不眩人之得而又積之也久故其發之也溥而無際閭而彌章如春皋之風秋空之月隨所燭燭皆有聲光而或者以先生之學爲盡於是書也則又淺知先生之甚矣時同治十三年甲戌歲五月阜甯裴蔭森拜譔

湘陰縣圖志敘

蒿齋編次湘陰縣圖志凡圖之屬六凡表之屬十一凡志之屬十二凡傳之屬三其文繁者輒析爲上下卷通三十四卷旣成而謹敘其略曰天下者郡縣之積也由漢以來公府屬曹班職任官縣皆具焉兵防選舉文武之資以及土田方物萃而輸之京師縣皆給焉校其地則古諸侯也受其要會其成臨御萬里而納之畿內若百骸手足之附麗於一身是故郡縣得其理卽天下治矣郡縣失其理推而至於天下猶是也而大亂以生禮儀政化人心風俗樹藪隄防疏濬營造若有事若無事大致同也利者興之害者除之知其數權其緩急知周天下者可以理天下知周一縣者可以理一縣大致同也自宋元微中立縣至今千四五百年幾經治亂遠無所徵自南宋始爲縣志至今六七百年幾經治亂人文政

湘陰縣圖志卷首

敘

教存者五六由今日上溯南宋又上溯立縣之初因文攷事推見其由又十得二三也及吾身之粗有所知追求千數百年因革損益之宜舉而措之三代其途徑可循其文辭訓詁毅然各別準然而各有當於心蓋孔子曰坤乾之義夏時之等吾以是觀之卽今不爲纂述而後將益茫然也禮樂之燦著法度之脩明

聖清至矣懲前而毖後鑒古以知今規模於是焉備法守於是焉資斯志也體例無以踰於今人而論譔殊焉後有君子覽觀而切究之可以得其指要矣時光緒六年歲次庚辰夏六月郭嵩燾謹

湘陰縣圖志例言

同治戊辰中丞景東劉公主脩湖南通志縣志亦肇始於是時圖說表志草創畧具李輔堂方伯指爲改變舊志規模貽書 詆用是輟業至於五稔稍授黃石珊大令編定之會奉

詔北行未及授梓私念此書援古證今頗資攷覽獨棄可惜又七年歸自海外蒙被

聖恩得以病免開門卻掃居多暇日乃稍理其篇目條其次第刊而存之推明成書之始末發凡起例以詒來哲

宋淳祐中知縣事胡公脩湘陰圖志爲縣志所自始自班書創爲地理志下逮北宋之世乃徧及一州一縣其名多曰圖經周官職方氏掌天下之圖以掌天下之地辨其人民與其財用蕭何入關收秦圖書以知天下阨塞戶口言地理者必資於圖州縣地志之

湘陰縣圖志卷首 例言

名圖經山水方域於是焉詳故亦或曰圖記或曰圖志圖以爲經志以爲緯隋唐相沿志地之書皆然也元明以後踵事增華專詳人物事蹟而輿圖反在所畧即歷古圖志之書亦皆散佚失傳唐書藝文志載元和郡縣圖志五十四卷每篇皆有圖至宋治熙時程大昌已跋傳圖亡獨有志存後之志地者無敢以圖名亦勢然也此志於方域廣輪之數橢圓表長犬牙相入之形竝於圖詳之題曰圖志非獨以上溯隋唐地志之原亦紀實也

班書志藝文以山海經入之形法山水方域成形於地而受氣於天氣之感也以形測縱衡之度以應分至之節制溝封之勢以參城郭之宜皆於形求之圖者圖其形也禹貢九江紛如聚訟自宋胡氏旦始正名洞庭而歷來傳九江道縣境者資湘二水而已其實九江之名當視其經流入湖以爲 洞庭吐納羣水其入湖

湘陰縣境凡六而以湘水爲之綱曰汨曰羅曰澗在湘水

東曰瀆曰沘在湘水西水道遷移非復故蹟而入湖之口著之圖籍者猶可辨知其由來凡爲圖曰六經緯以會天位總圖以正地域圖城郭以明四境之統宗圖古城以攬歷代之形勝圖水道以證諸水分合出入之數圖二十九局地勢以綜一方封域之全而極古今人事之變首圖者以著圖志所由名也通爲五卷四境分圖不分二十五里而分二十九局里數畝出展轉推移益有參差今依二十九局四境所至案方立圖各爲一卷云

桓譚傳史記年表旁行斜上竝效周譜表亦圖也圖隨地勢爲方圖而表體方立準故圖以紀地表以紀事紀人一縣之事沿革爲大湘陰故與羅並建梁陳以後凡兩建州一建郡又廣建諸縣皆在羅地湘陰亦割羅與益陽湘西三縣地而水經注傳磊石山西湘陰縣圖志卷首 例言

對縣城口是卽所割羅地也通典重華城亦名虞舜古城在沅江縣東舜南巡涉湘重華置縣必近距湘宋時尚未置縣所割益陽縣地當西及華古城宋書州郡志吳太平二年分長沙西部都尉地立衡陽郡兼置湘西縣宋卽移郡治湘西九域志湘西故城在湘潭縣南一百二十里是距劉宋湘陰縣城遠至四百五十里當時增立郡縣不應割地四百里外元和郡縣志長沙西北七十里故尉城孫權使程普爲西部都尉建城於此西部都尉地實界湘陰西境知宋時徙衡陽郡治湘西亦當更有建置也賴齊書王僧虔傳敘及湘陰立縣緣始知湘西益陽犬牙相錯當時皆與湘陰毗連臨湘縣地盡於湘水以東不及湘西也此關分地置縣之大者故繼之以沿革表

湘陰南北通衢自元設水陸二門垂四百年至 國朝始裁水驛

專置陸驛而水程之四達者亦與陸程相準非獨以辨知疆里而已封域廣輪之數關津扼要之防皆可以於此得其機要故疆域表次之

南服荒遠歷代巡幸所不及而史記五帝紀登熊湘南巡者凡二足證三代以前幅員廣廓而後乃愈隘也是以漢世長沙爲下溼貧國分封建侯比諸遷謫晉宋以後建置湘州郡縣日增規模漸拓封建亦稍繁焉而歷年千餘邑人士無膺五等之封者明宣德中賄夏原吉湯陰伯則以耆臣宿德寵其名非關詔爵之典咸豐初元兵事起恪靖侯以元功魯忠宣伯而侯人事之流傳文物聲明之昭灼誠莫大於是故巡幸封建世爵諸表又次之

地志體例經始於北宋至南宋而始備唐以前地志紀山川方域物產而已太平實寧記始著人物吳郡圖經兼及牧守至乾道臨湘陰縣圖志卷首

卷首

例言

二

安志而後科舉軍營威備縣有令長一縣之事經緯繫屬漢制以丞贊治以尉典兵文武之用未分也歷唐口鎮曰戍宋曰砦猶統於令而加兵馬鈐轄之名元明以來乃始判分爲二凡有事於縣者不可偏廢也故職官表及武職官表又次之

宋以前地志與人物皆各爲書或曰先賢傳或曰耆舊記其紀科舉又別爲登科記其後方志之書因襲其例備錄而詳述之唐之季世長沙劉蛻一登科而有天荒之嘲人文簡畧蓋可想見至宋而湘陰一縣登科者踵相接也自唐科名目繁多因是有科目之稱漢世統名之選舉州郡辟除員良對策亦稍異常選舉朝進仕其途雜出至以武功列名薦剡一皆選舉之歧分者也凡生存者不入人物表惟選舉依類列名無分存沒故選舉表又次之後漢得人物視班書嚴謹有法度亦循用班書之舊儒林而已文

苑獨行方術逸民皆創爲之名而增以列女後世史家無能踰越然列女傳創自劉向實當西漢之世其源流固已遠矣人物目隨事命名列女行誼成就亦然凡生存者不入表惟節婦苦節幽貞稍寬其例但及歲者皆入之故又次之以人物表列女表

周禮小史奠世繫其源肇於禹貢之錫土姓唐宋以來繫土著之戶於郡縣卽國語工史書世之遺法也魏書官氏志唐書宰相世系表猶存譜牒之畧使後世得以窺知也永世源流歷代方志之書常據華陽國志表及大姓費著蜀中世族譜兼詳宗派國於天地必有與立世家大族所以立縣之基也觀其人物之隆替風俗之盛衰厚薄可以推知一縣之始終科名仕宦稍有聞者皆追溯其內來而一邑之著姓瞭然如指諸掌又次之以氏族表

禹貢道山與道水同功皆明其起訖之由至山海經表山望而推湘陰縣圖志卷首

卷首

例言

四

其首曰某山以達某山之尾太史公曰中國山川東北流其維首在隴蜀尾沒於勃碣凡山皆有脈絡而首尾具焉論山水大勢皆起於西北而極於東南說文陰水之南山之北也穀梁傳曰水北爲陽山南爲陽陽者氣之散陰者氣之聚水之出也散聚而納之一川山之出也聚散而分之羣阜故水以所出處爲陽山以所止處爲陽山海經之敘山也皆辨其陰陽與其上下山水所以相表裏也地但表山名不詳山之脈絡以爲近於堪輿家之言是並再賁亦譏也古者建國以山水標地望山水之在縣中風土人物於是基焉故繼志山

酈道元水經注最稱精博其敘湘水尤莫詳於湘陰一縣至今可以推尋者曰高口水曰上鼻浦曰下鼻浦曰陵子潭曰錫水曰望屯浦曰三陽逕曰門逕曰黃陵水曰太湖曰白沙戍曰東町口

曰羅口其於地道無徵舊志不敘錄曰玉池口曰東湖曰三谿水曰大對水曰決湖曰西陂曰荷導運皆不詳所在湘陰東湖上承玉池山水舊志亦據水經注爲言而酈道元自稱玉水東南流注錫浦謂之玉池口錫水又東北東水注之謂之三陽逕則所謂玉水玉照山之水東南流者是也東湖之玉池口當爲今橫塘湖南會錫江爲錫浦東出缺港爲望屯浦名之東湖者玉水東流匯爲湖今東湖以在縣治東爲名宋以前未立縣治不得有東湖之名就今地道縱橫曲折證以酈氏所述無一不巧合而後知古圖籍之精其纂述爲有據依也其有誤者混汨於羅以東町口屬之渭水而失渭水之委又併汨羅爲一而奪渭水之名以與汨並失羅水之源高口別爲一水源出益陽東南益陽西北則資水經流也東徑三里橋與高水相出入又東徑高口與湘水

湘陰縣圖志

卷首

五

相出入酈氏以高水止於陵子譚自陵子口以下皆屬之渭水則高口一水源流並失此志於縣境山水窮極討允足補水經之缺而發先儒之覆故次志水

唐陸廣微吳地記詳及茶鹽酒課不及土田元豐九域志備載戶口土貢而亦不及地糧地志之列賦役肇始南宋以後然自宋元賦役之制舉其成數而已其詳莫得聞也由明世賦法推之知歷代相承習爲苛煩至國朝而始掃蕩廓清一歸於簡要是以明世田賦之額徵解之數自康熙初始脩志時其法已有變更雍乾以後併丁於地歸奇於整舊制無復存者而田制三等之科起解部寺諸名目之煩仍而載之不敢擅變蓋其名去而其額之存於籍者猶沿明世之遺也清祐志當詳及宋世賦法六脩古羅志遂除宋籍迄明成化嘉靖一又廢元典賴今田額一循明世黃冊

其目具存古今因革之宜得失損益之故後之攷求賦法者於是取徵焉故又次以賦役志

史記河渠書敘元光以後通渭引汾穿洛通褒斜之道於是用事者爭言水利朔方河西酒泉引河關中引堵水汝南九江引淮東海引鉅定泰山下引汶水此西漢富疆之業所由開也吳楚邊荒言水利者弗及焉唐書地理志東南陂湖水利備載無遺實兼河渠一志而亦不及洞庭以南吳楚水利甲天下朱長文吳郡圖經獨著治水一門可云卓識雍乾之世水利繁興家給人足號稱極盛其後陵夷衰微失水之利而多承其害儒生俗吏不達時務無能言其利病者有宋之世開濬洞庭湖直河置斗門溉田今猶可以推知其遺蹟水性就下而喜深不務度地勢之宜勤求疏濬蓄洩之法引水以暢其流而創爲棄地與水之說日取民田蕩平之

湘陰縣圖志

卷首

六

擾愈甚水亦愈橫君子於此盡然傷焉故又次以水利志

周官六職實爲禮經三代政教所以納民軌物無一不本於禮漢魏以降古禮廢亡始各因事爲儀注至唐開元禮出而後五禮備焉一州一邑通行之典禮一皆政教之源也宋陳氏祥道創爲禮書稍因代文度數之末以窺見制禮之精義國朝江氏禮書綱目秦氏五禮攷攷乃始燦然集禮之大成下至士民皆能行之而能言之有宋方寸區例具備獨不及典禮以爲典禮通行郡國者非一縣之私也然一縣所有事準之天下大端具矣即其中祀典一門或爲通祀或爲專祀則亦時有參差闕而弗紀庸非歎其故又次以典禮志

學校至宋而始盛方志之紀學校亦至宋而始詳然宋時科舉學校猶分二途歷元明至今而後盡敘天下之人才彬然一出於學

校史記儒林傳敘論解讀功令至廣屬學官之路未嘗不廢書而歎也蓋其端肇始西漢盛時其時縣有學鄉有校斯云盛矣而使天下之人奔走功令以希進取則亦學校之所由衰也南宋太學之毀至於劫持朝政以議論贊鼓一世其害延及數百年明興優儒重士厚其餼崇其禮獨禁使不得上書言事以臥碑鈴束之而後士習乃徐軌於正三代禮樂涵濡教化之功歷久而不敝所以爲不可及也自宋立學垂至於今八百餘年其間事蹟繁矣彙而記之盛衰得失之原蓋可觀也故又次以學校志

地志之繫於湖南而其傳又最久如盛宏之荊州記羅含湘中記今其文猶有存者所記山水而已而亦間及物產王存九域志自序獨併鎮戍城堡之名山澤虞衡之利皆謹志之所載土貢則卽物產之表著者也古志專及地利不詳人事大率以簡要爲宗湘

湘陰縣圖志

卷首

例言

七

陰一隅之地兼有周官山林川澤邱陵原隰之全物產無甚豐者亦頗皆有之繁爲搜討無取焉畧亦多識之一助也故又次以物產志

方志城坊亭館橋道塚墓皆有紀其類則工事也今制工部四司營繕司所掌曰壇廟曰城垣曰公廨虞衡司所掌曰器用都水司所掌曰水利曰橋梁屯田司所掌曰墳塋皆縣志所有事也水利所關爲鉅別有志壇廟入之典禮城坊橋渡塚墓器用各紀一事其文不繁而皆隸之工部推至一縣之微皆有事於營造者也故又次以營造志

隋世立輪籍之法而團以名宋世行保甲之令而保以名鄭氏康成注禮記檀弓保縣邑小城注月令小城曰保後世因謂之城堡鄉村聚落置守望皆曰保湘陰舊分二十五里領三百一十八團

而里分參差不相接續甚或畸零出入無從定其方位咸豐初舉行團保之法乃因四境地勢分置二十九局而里名之散隸於各團者仍依都圖冊之遺記其里數以符舊制非獨山水地勢尋其脈絡辨其方域瞭然易見實亦今時政紀所從出也故又次以團保志

方志之紀事見於吳郡圖經蓋自漢魏下及隋唐紀地紀人各爲專書宋初地志始合舊焉地與人交相輝映而人事經緯於其間自然相因之勢也湘陰兵事之始見春秋傳楚師濟於羅汭六代紛爭湘州地處上游叛亂頻仍訖於五季之世南唐與楚爭併岳州皆以湘陰一縣爲之衝國初殘明及三藩之變被兵尤久攻守緩急之宜形勝扼塞之方因時變易拓千餘年之事勢其大旨可覽而知也故又次以兵事志

湘陰縣圖志

卷首

例言

八

漢書志五行詳錄伏氏洪範傳說及其占應歷代史書循用其名洪範庶徵本與五事相應自京房劉向專以陰陽災異附會五行貽小術破道之譏劉知幾已力詆之而用以紀災祥使各以類相從史家體例取則於是莫能廢也宋元以來方志品目日繁無及災祥者至明乃始有之志者史例史家所錄無庸闕焉水旱札瘥或千里同占或一縣異紀一方之休咎而天人應徵之理及時補救之方所關至大不可以無紀也故又次以災祥志

班氏創爲藝文志總敘書六畧三十八種五百九十六家證以隋書經籍志唐書藝文志則班史所著錄其存者亦無幾矣而搜輯乃益加繁歷明又散佚逾半獨賴存其篇目足以推知當時藝術之多方源流之異軌今一依藝文志體例分別經史子集凡舊志所著錄仍而載之續有收入必實見其書校其篇第與其敘論但

有成集無分存沒並錄存之所收詩集尤多沉湘耆舊集選錄各詩非有成集一置不錄其自成一集即詩不盡工備載無遺意取徵實不復銓次其高下言修言列首明有尊也碑版金石之文古方志皆加意搜求錄之而列次其年代焉增諸別集之後故終之以藝文志

自宋方志錄職官或曰秩官或曰官治必皆治行一紀者惟高似孫刻錄既爲官治志矣又增以令丞簿尉題名稍銓次其姓名焉職官表所錄則亦題名之類也湘陰歷唐以來人文簡陋宦蹟無能言者有宋之世興賢育才文質彬彬然賢良之更爲多矣邑人士亦稍興起於學故夫政教之兩貽亦賴人賢相與尸祝之史遷傳循吏所謂破觚爲圓斷雕爲樸大抵務以德化民不貴武健衰微之俗詐僞滋生又恃方畧威嚴禁姦止邪以爲備賦然而晚近愚

湘陰縣志

卷首

九

民抵法之多教之不修也是非善惡邪正之分較然其不相掩則民知我苟無混淆枉惑民心而已何必威嚴於今日兵戈水旱更迭相乘財殫民窮生計蕭然整齊教化之功涵育維持之術君子於此尤所究心焉寬嚴異施文武交濟要之以愛民爲本由宋至今存心利物爲功一邑代不乏人故復爲名宦傳

湘陰立縣蓋六百年而後鄧祜開以文章傳又三百餘年而後夏忠靖以功業顯然祜開玉池集已傳忠靖集歷四五百十年尚行於世至國朝周寧朔徐嚴鎮之文李梅生木史吳樸臺孝廉之詩寶遠過玉池集左恪靖之事功又幾駕忠靖而上之風會日開人文斯盛亦時然也此志表章鄉里諸賢幾無餘蘊藝文志搜輯詩草百餘種而傳林文苑各表必實有傳書名實相副其諸文章聲譽有可表見人之學行稍示區別詩稿入藝文志而不列表者

蓋亦多也又於其中摘取志行卓卓足以屬世而傳後者徵求先哲軼行下及士女於此稍存徵存又於人物傳凡三卷

羅含湘中記玉潭之左玉管山屈原之放棲於此山而作九歌訖今二千餘年相沿以爲屈原宅離騷九歌九章天問招魂諸篇作於南遷以後錄楚辭可也徑取以冠人物之首則不可周秦以前遠而難徵得一屈子歷漢唐數百千年無廢續以起者已覺不倫況明明爲遷謫者乎彭襄毅實出自湘陰而入蘭州衛籍已歷數傳明史列傳亦不著其本籍屈子已列湘陰祀典不待鋪陳襄毅一代偉人由湘陰外徙著之彭氏譜沉湘耆舊集亦錄其詩而不

敢援舊志列之人物以紀實也水經注黃水又西流入湘謂之黃陵口昔王子山有傳才年二十而得惡夢作夢賦二十一溺死湘浦卽斯川矣張華博物志王

湘陰縣志

卷首

十

文考從父師叔到泰山就鮑子眞學算到魯賦靈光殿歸渡湘溺死據後漢書王逸傳南郡宜城人子延壽字文考注文考一字子山因靈光殿賦敘云客自南郡觀藝於魯李善文選注南郡荆州南郡本荆州治子山自魯歸南郡不應遠渡湘水又解客自南郡不言家世南郡而言客尤非事也疑南郡正謂長沙郡地子山流寓長沙是以自魯歸而渡湘道所必經也李注於此實有未審至於洛陽屈之文嶺川閔屈之賦杜陵青草白沙之什昌黎江口湘中之篇並在縣境山谷集所謂湖湘開小白花爲定名山藝者正亦縣境也舊志亦或列之流寓其實一道縣境而已無族援引均會子山之客南郡據張茂先所述尙爲有徵今並以義無可均概從闕如

舊志人物未著錄別加搜討於各表中注明有傳者皆雜採他書

得其事蹟未遑編次也歷年久遠舊徵書籍多至散佚又性善忘老而彌甚然無復蹤影對之浩歎而已凡若此者悉仍其舊以待補輯至於編輒人物採精擷華黃石珊已有定本茲纂取要因文見義稍有釐定而無能意為增減惟於郭氏紀錄稍詳為其知之論也要取其志行不苟流俗足資矜式無敢濫及

方志者史之一體凡史家敘錄之文方志皆得具焉然史紀一代之事方志自立縣以來歷時綿遠但使事蹟有可推求不宜稍有遺闕馬遷之史詳於秦漢班固之書備於哀平事近者易為徵代遠者難為紀亦勢然也而或以為求切今人之用賦役兵防諸大端但詳今制竟廢舊典將使千餘年之事蹟隱而不章後世何所取徵焉故嘗疑方志善本惟尚門括近於以文相高非所以備掌故也有明之世康氏武功志韓氏朝邑志文成七篇辭不盈萬專

湘陰縣圖志

卷首

十一

詳義法無待侈陳是書之旨事必溯其源而不敢有苟畧語必詳其實而不肯有游移文雖近於傷繁而義必表諸至當纂輯不踰二年更歷十四年之久乃始授之梓人分事任勞者尋求山水地道則熊漱芳壽徵羅麓生鑑攷覈名物則虞愷仲紹南編次世族人物則黃石珊世崇分別繪圖則新化晏圭齋啟鎮鄒子翼世詒而卒經理刊行者長沙饒葆丞國瑞攷古徵實勒為成書高齋亦不敢辭焉書成而熊漱芳虞愷仲已前卒不及見矣前後知縣事者丹陽於公梁山唐公蕭山丁公新喻胡公如皋冒公平度孫公山陰潘公貴筑姜公於桐軒胡秋樵冒筱山三大令稍與聞志事之畧迨姜崑山大令乃成書姜公通知政要勤恤民隱於時為良吏是書乃幸際其時告成是亦私心所自慰者也

湘陰縣圖志目錄

卷首

序

例言

卷第一

輿圖

卷第二

輿圖 縣南四局分圖

卷第三

輿圖 縣東九局分圖

卷第四

輿圖 縣北十二局分圖

湘陰縣圖志

目錄

卷第五

輿圖 縣西四局分圖

卷第六

沿革表

卷第七

疆域表

卷第八

巡幸表

封建表

世爵表

卷第九

職官表

卷第十	武職官表
卷第十一	選舉表上
卷第十二	選舉表下
卷第十三	人物表上
卷第十四	人物表下
卷第十五	列女表上
列女表下	
卷第十六	列女表下
卷第十七	氏族表上
卷第十八	氏族表下
卷第十九	山志
卷第二十	水志
卷第二十一	賦役志

目錄

二

卷第二十二	水利志
卷第二十三	典禮志
卷第二十四	學校志
卷第二十五	物產志
卷第二十六	營造志
卷第二十七	團保志
卷第二十八	兵事志
卷第二十九	災祥志
卷第三十	藝文志
卷第三十一	名宦傳
卷第三十二	人物傳上
卷第三十三	人物傳下

目錄

三

卷第三十四

列女傳

卷末

跋後

湘陰縣圖志

卷首

目錄

四

湘陰縣圖志卷一


輿圖一

月禮大司徒以土地之圖周知九州之地域遂人以土地之圖經田野司險掌九州之圖周知山林川澤之阻達其道路自田里樹畜疆里廣陜阨塞險易並徵之於圖史記傳蕭何收秦圖籍猶古制之遺也後魏酈道元水經注最稱精博其敘湘水於湘陰縣境尤詳水道地勢曲折明備足徵古圖志之精攷覽山川爲有據依六代創爲方志多名圖經而作者無幾至宋通及於郡縣竝以圖志爲名所紀方域山川而已其後人文掌故日異月新紀載加詳山川封域一受其成形更無變移於是輿圖反在所畧元明以後遂無以圖記名志者人事之推移宜有然也舊志各圖畧存大意方位道里往往混淆今悉加釐正列之卷首用存古圖經之遺意

湘陰縣圖志卷一

輿圖經緯圖


經緯圖 每方十里



湘陰縣圖志卷一

輿圖經緯圖

二



案周官大司徒以土圭之瀆測土深正日景以求地中土方氏以土圭之瀆致日景以土地相宅建邦國都鄙焉相氏因而辨四時之敘以會天位以日景測地正當以經緯分度求之周天三百六十五度四分度之一以赤道準之每度當二百四十六里一百四十四步析度以爲分析分以爲秒一縣之地袤長二百餘里其視北極去地之數南北贏縮相去已遠湘陰由赤道迤邐而北極高二十八度四十一分天度又稍陞大率一度當二百一十六里有奇南北相距約踰一度天時與地度相準分至啟閉氣候相應之運蚤以地度高下爲差積一縣之微縱橫達之天下可累而知也焉相氏之會天位會之以此而已古瀋以星士辨封域史記天官書云翼軫荊州晉書長沙入軫十六度唐書以長沙一星主長沙宋史長沙一星在軫宿中入軫二

湘陰縣圖志卷二

輿圖總圖

三



度而歷代言鵠尾宮度劉歆三統歷起張十七度至軫十一度費直周易說起張十三度至軫七度蔡邕月令章句起張十二度至軫六度魏陳卓景初歷起張十七度至軫六度唐僧一行大衍歷起張十五度至軫九度明大統歷起張十六度至軫九度軫十度至氏一度爲壽星之次案明史黃赤道經緯度長沙皆躋壽星其二十八宿度次漢書軫十七度元史軫十七度三十分明史軫十五度三十分其說互異而歲差積分循黃赤二道經緯度而有盈縮亦不能有常次與地道相應舉天象之全五星十二次二十八宿以應中國一隅之地自唐書已疑其虛誕不足信而方志相沿仍紀分野今悉加刊削而以經緯圖爲之首天地之氣之相爲交接以北極爲之樞紐用以示地道之準而察人事之宜焉



湘陰縣圖志卷一

輿圖城圖

六

案湘陰地勢萃於東南而曼行於西北蓋湘水由縣北入湖資水逕西來會之自縣西北皆湖地也南距長沙境僅四十里是以湘陰地勢以東南為首凡圖皆自南而北順地勢也惟縣城折而南嚮吐納三十六灣之水以注之湖故官署皆南嚮城圖折而南嚮吐納三十六灣之水以注之湖故官署皆南嚮


案湘陰縣城創始明嘉靖四十四年巡道苟延唐實發其議國朝康熙三年知縣唐懋重修凡門七東曰文星南曰通津西曰望湘西北曰挹清即今北曰廣儲東北曰鎮朔稍東曰迎秀即懋重因秀峯巷為門明知縣王京祥裔孫捐旁隙地助成者也西南舊有來薰門今廢衰長一里有奇廣三之一官署五日知縣署在挹清門內日典史署在縣日儒學署在迎秀門內導兩署道光初重修文廟日縣丞署在鎮朔日千總署在廣儲合建廟左中為明倫堂日主簿署在鎮朔日縣尉署在廣儲故署三日縣丞署在廣儲日主簿署在鎮朔日縣尉署在廣儲故行署三日察院行署今為儒學日布政分司行署在故縣日府館今為城秩祀廟五日文廟在迎秀日武廟在廣儲日城隍廟在廣儲日三閭祠在望湘門內今移日易忠節祠在廣儲書院門左日仰高門在通津倉廩一日常平倉在挹清考棚一臨筆竹驛

湘陰縣圖志卷一


輿圖沿革圖

七

沿革圖 每方九里



道城三面環水乾隆十七年知縣張宗衡脩沿江護城隄五十
九丈二尺自道光以來水患日劇夏潦盛水高於隄數尺隄
城亦就圯同治十三年知縣冒沅脩築城垣取土於隄而隄遂
廢城以內有八山曰仰高山在文曰遺愛山在雙橋曰石街山在
巷日萬壽山在東曰河街石山在南曰重家山在舊日南祥山
在南正街日青竹山在常平倉縣圖作吉舊志未著錄者曰桃
靈順祠後街日萬福山在牛角巷萬壽青竹諸山已淪而桃
花山固存有九井日市心三井坊前日興化寺井日昭烈祠
井日文暉坊井日縣前井日文昌井在文廟日南城井在麻陽
蔡光英宅舊志列前五井云餘四井無攷市心實有三井宋咸
淳中知縣陳蘭孫建筆峯亭市心井前坊之銘曰一亭兩三
北有迎暉坊所謂文暉坊亦不詳所在也今市心井文暉坊
井已湮城內八山九井或佚或多出舊志流傳失攷者固多也



湘陰縣圖志

卷一 輿圖附草圖

八

案湘陰故城可攷者七曰古羅城曰夾城曰長樂古城曰黃華城曰城江城曰白茅城曰赤竹城見於傳記而遺址無攷者二曰宋故城水經注湘水徑磊石山北對青草湖西對縣城口是也曰隋玉州故城名勝志玉笥山隋設玉州是也以事實求之劉宋建湘陰實割羅益陽湘西三縣地宜在湘水西鄧道元謂磊石山西對縣城口疑今琴基望為城基望殆劉宋湘陰縣遺址也梁時置縣益繁瀕湖以西置重華藥山諸縣為今沅江湘陰交界地湘陰必稍南徙黃華城當為梁湘陰縣治案同治中黃華嶺得古磚劉宋年號或曰景平或曰元嘉或曰大明治地嶺約十餘里為城塼無疑而景平至大明二年相距三十六年下距元徽二年又十八年無因營立縣治五十餘年之久當時地勢又多不合元和志程普為長沙西部都尉故尉城在長沙西北七十里與此正相值疑此曲尺塘夾城與古羅城夾汨水相劉宋時曾徙湘陰縣治於此曲尺塘夾城與古羅城夾汨水相望必梁羅州治時又分建岳陽玉山湘濱三縣明史注縣東有


湘陰縣圖志

卷一

輿圖水道圖

九

湘水以東汨水以南水道南圖 每方六里後同




湘濱廢縣今城江城值縣東明以前猶知為湘濱縣遺址隋設玉州因梁玉山縣增置州名在玉笥山南而城址無存矣長樂鎮當天岳山東南岳陽之名放於此故城遺址當為梁岳陽郡治宋史紹興五年李植知湘陰縣事立縣治明李廷龍城池記亦云至宋徙今治今治實始於宋府志稱五代許可崇遷今治即羅縣白茅村今胡鼻山北有白茅城遺址許可崇實遷此府志誤以當今治耳案九域志湘陰縣潭州東北正與建炎四年金人掠潭州羣盜譚相劉忠竝起湘陰徙治赤竹城則一時權宜假立縣治此其大畧之可推求者舊志諸故城皆無攷惟云黃華城為隋唐縣治隋書明言湘陰有渭水汨水準以地勢斯不然矣案隋廢羅州置玉州又廢吳昌入羅縣其時羅當徙治州無因徙治西南距岳州二百六十里距潭州不及百里恐無此事稍敘論之使覽古者有攷焉

湘陰縣圖志 卷一

輿圖水道圖

十


湘水以東汨水以南水道北圖



湘陰縣圖志 卷一

輿圖水道圖

十一




案縣境湘水以東汨水以南凡西流入湘之水八曰哀江案樟
哀古曰門涇江案青溪港水經曰三谿水案揚沙湖水經曰大
對水案百水江匯為東湖曰漕溪港曰塞港曰黃水案黃陵
之黃曰東町口案免耳港水經曰北流入汨之水四曰湄水曰涂
藻水案涂藻水曰塔灣水案塔灣水出張公橋曰楊柳塘水案楊柳
橋其南流出長沙澇塘河入湘曰陽江西南流出長沙夏源港
入湘曰毛連江水經注名揚沙湖為三谿水蓋謂梅子港
水懸藤港謂之瓦子江魁樓江三水魁樓江又上承三水曰玉
江曰橫江曰龍潭江凡五水匯為揚沙湖亦謂之大湖其東町
口為汨水支津由呂覽渡西出北流入汨之水又六曰百丈口
曰百畝坵曰錫江口曰牛角汶案牛角汶水出角山橋曰石子澗曰夏家
汶案夏家汶水出藕公橋水經注湘水北徑白沙戍西右會東町口潰水

湘陰縣圖志

卷一 輿圖水道圖

十三

湘水以東汨水以北水道圖



也又北汨水注之西徑羅縣北謂之羅水又西爲屈潭卽羅淵也屢以羅水表之是水經注之汨水實今羅水今之汨水實爲水經之汨水實即羅水也而敘汨水出豫章艾縣相山又混入汨水蓋知其源之久而不知上源之小各爲一水圖經所未備道元亦弗能詳也莫顧因合汨汨爲一乎頗乖道元本旨詳見山道元分敘汨汨羅二口今汨羅二水分流注湘者實有三口其東町口爲百丈口入湘之水東與汨水會而縣北入汨之水汨水源最盛汨水西受汨水行二十里又北受羅水出呂覽渡百丈口水方西趨注湘爲汨水所奪與汨水分羅水亦遂歧出爲三古今地勢殊異諸水經行之地參錯紛歧而其大綱互古無變圖經或詳或畧容有闕而未備者安得以前賢所未著錄仍而畧之今綜其大要分著之圖縣境水道源流本末粲然具見竝詳所證以俟來者

湘陰縣圖志

卷一 輿圖水道圖

十三

案縣北諸水以汨羅二水爲之綱汨水東入縣境凡南流入汨之水四曰赤馬江水曰朱溪水曰大水壠水曰蘇家灣水羅水北入縣境凡東西流入羅之水十有一東曰虎嘯溪水案虎嘯源洞曰龍潭水案龍潭卽曰馬嘶塘水案馬嘶塘上源曰南山堰水案南山堰水向家洞水案向家洞水即藍家湖水案藍家湖水出大龍橋水曰成差港水西曰分水橋水曰苦竹港水曰蝦蟆港水曰黃谷壠水曰道衡水案道衡水出龍華橋水曰龍形港水羅水自小江口東會汨水凡南流入羅之水又四曰牛港水曰玉水曰爛柴港水曰新塘湖水汨羅二水隨合隨分汨水又南析爲支津是以縣北諸水入汨者僅及羅水四分之一汨羅二水經流勢足相敵乾隆以後民多阻水爲圍埂羅水故道日淤春夏水漲沙石壅遏不行無能一加疏濬於是小江口合流之水併注汨水其牛港水亦倒行入汨鳳凰港以西注羅水者皆出黃

